

阿毗曇毗婆沙論卷第五

分五

迦葉延子造 北涼沙門淨陀跋摩共道泰譯

雜捷度世第一法品之五

問曰以何等故忍一切時法念處現在前耶答曰如見諦道一切時法念處現在前忍亦相似問曰如增長忍時盡修十六行耶答曰是

不也如漸除所緣行亦如是若緣四諦有十六行若緣三諦有十二行若緣二諦有八行若緣一諦有四行通一忍生勢則有十六問曰以何等故增長忍時或十六或十二或八或四行修答曰漸除所緣漸除所行轉近得正決定是以或時修十六行乃至四行生世第一法時現在一法念處未來四現在一行未來四問曰如世第一法曾得彼種以行觀諦何以故同性行修不異性耶答曰隨彼所得即此法修如人裸形無衣可奪彼亦如是復有說者世第一法最近見道如見道中不修餘行唯修同性世第一法亦復如是問曰

若生暖乃至忍時爲常相續爲不相續答曰或有說者言常相續緣於四諦如見道中十五心常相續現在前彼暖法生時常相續緣四真諦復有說者此義不定或相續或不相續或有暖緣苦而止者或緣集滅道而止者問曰爲正觀思惟何法次能生暖耶答曰是色界修地定地心有耽離有惡賤有渴仰有不隨順生勢不樂有如此正思惟時次能生暖暖次生頂頂次生忍忍次生世第一法世第一法次得正決定問曰若離欲者可爾不離欲者云何答曰不離欲者彼亦可爾有欲界思慧正觀思惟緣苦行苦行次第生暖法餘如上說問曰諸前身生暖法來生頂法彼便命終於此生中欲生頂法爲即生頂法爲還起暖法耶答曰或有說者若從師順次聞頂法即從頂去若師不爲說還從根本起問曰若然者何以言暖次生頂頂次生忍忍次生世第一法答曰作如是說者謂一身中次

第生者若前身中曾得暖法從根本起者也
問曰若前身曾得暖法於此生中欲生頂法
作何正觀思惟答曰如暖正觀思惟頂亦復
不如生頂生忍亦尔問曰若生暖法爲離欲
不答曰或有說者不爲離欲所以者何彼行
者愛樂寧生頂法不起有頂中忍復有說者
分五
若彼行者自知有力能生頂者即便生頂自
知無力不能生頂欲得離欲所以者何若得
離欲我生處轉勝問曰若依根本地生達分
善根爲有退不答曰或有說者暖頂有退忍
則不退何以故此善根是不退法故評曰彼
不應作是說何以故若依根本地生達分善
根者即於現身得正決定何以故此諸善根
盡爲生聖道故若依未至此則不定問曰若
依未至禪生暖法亦生頂忍出第一法得正
決定耶答曰或有說者若依未至禪生暖法
乃至生出第一法得正決定初禪乃至第四
禪亦如是復有說者若依未至禪生暖法次

生初禪暖頂思世第一法得正決定禪中間
二禪三禪四禪亦如是復有說者若依未至
禪生於暖頂次生初禪頂忍出第一法得正
決定禪中間二禪三禪四禪亦如是復有說
者若依未至禪生暖頂忍次生初禪忍生世
第一法得正決定乃至第四禪亦如是此則
說聲聞次第法問曰菩薩云何答曰菩薩依
第四禪生暖法乃至生世第一法得正決定
復有說者菩薩依初禪生暖法頂法忍法二
禪三禪亦如是第四禪中生暖頂忍世第一
法得正決定問曰如達分善根中不應次生
下上不應次生中下云何菩薩而能生耶答
分五
曰自地不能他地則能復有說者欲離如是
過當作是說若依初禪生暖法乃至第四禪
若依初禪生頂法乃至第四禪若依初禪生
忍法乃至第四禪次生世第一法得正決定
評曰不應作是說如前說者好所以者何一
切菩薩盡依第四禪生暖法乃至生世第一

法得正決定故問曰辟支佛復云何答曰辟支佛獨出世者當知如佛若衆多出世者此則不定與聲聞同如渴伽獸獨生一角彼亦如是獨出世者當知如佛問曰菩薩前身爲曾生達分善根不耶答曰或有說者曾生爲障惡道故菩薩九十一劫不墮惡道者是達分善根之力此是他性達分善根非是已性評曰不應作是說應作是說菩薩不曾生達分善根所以者何一切菩薩所有善根不經歷世菩提樹下一結跏趺坐生不淨觀乃至盡智問曰菩薩九十一劫不墮惡道此豈非忍力耶答曰不必以達分善根能障惡道或以施力或以戒力或以不淨或以安般或以聞慧或以思慧或以暖頂後乃以忍尊者佛陀提婆說曰障於惡道非不因知緣起法其義云何彼作是說覺知緣起法即是無漏道非無漏道力不能障惡道問曰不應作是說如先說者好所以者何菩薩若行布施亦以

戒以慧若行戒時亦以施以慧若行慧時亦以施以戒以是因緣能障那由他惡道況十處惡道耶聲聞辟支佛所有暖頂菩薩盡能起以障惡道惟不起忍所以者何忍與惡道相妨菩薩於三阿僧祇劫在生死中以願力故生惡道中以中應說魚因緣前復有說者起聲聞辟支佛忍以障惡道不起菩薩忍所以者何於得道身大玄遠故求辟支佛人以生辟支佛忍不能生佛種忍以近辟支佛道故復有說者求辟支佛人能起佛種忍評曰不應作是說應作是說求辟支佛人不能起佛種忍問曰得忍凡夫命終時爲捨忍不若捨者何故不生惡道若捨者何故凡夫捨聖人不捨若不捨者行捷度四大捷度何故不說耶如說若成就身彼成就身業乃至廣說答曰或有說者捨問曰若捨者何以不生惡道答曰或有說者彼善根勢力能爾雖捨不墮惡道自有善根雖成就不障惡道況不成

就所謂生處得善自有善根雖不能成就能障惡道況復成就所謂忍也是故彼善根勢力能障惡道復有說者彼善根勢力能令身中墮惡道煩惱業極令遠離於此身中更不復行若其不行何由得墮惡道耶如人秋時服於下藥藥亦不住彼人身中或有興病俱出或身中自消而能除去病患永使不起如是彼善根勢力令墮惡道諸煩惱業永更不起復有說者此善根曾在彼身中如師子住處在彼身中雖不能熏著之力能令惡道諸煩惱業更不復行況墮惡道猶如師子所住之處師子若行不在其餘小獸無能到者何況在時復有說者彼善根住此身中猶如舊住諸惡道煩惱業住此身中其猶如客舊住力強客則不如復有說者行者有二種期心一者期心遠離諸惡二者期心染著善法以有此二期心故不墮惡道是故尊者瞿沙說彼行者有如是期心有如是欲如是忍如是

分五

可如是意如是敬如是愛如是樂復有說者彼惡道已得非數緣滅諸法已得非數緣滅終不現前復有說者彼行者墮法雨駛流河中不容作餘惡道之業是以不墮惡道復有說者依倚聖道故彼行者依倚聖道使此身中惡道煩惱業不現在前況墮惡道猶如有人畏於怨家依倚於王而彼怨家猶尚不能正面視之何況加害復有說者彼行者以此善根於自身中以守護聖道所住處故猶如王人先守護王所住之地一切人民不敢復行復有說者彼善根決定作人天處故若作決定處業必生彼處猶如貴勝之坐處所已定不應復更坐於餘座如是彼善根所住處定亦復如是復有說者彼行者以正方便令彼惡道諸煩惱業更不復行何況生於惡道復有說者彼行者見惡行過患見善行利益是故不作惡行墮惡道中復有說者有善好期心在此身中不作惡行墮惡道中復有說

者以心柔軟故隨順趣涅槃故以信根深牢
固故是以不作惡行墮於惡道問曰若捨者
何以凡夫捨聖人不捨耶答曰彼凡夫人無
聖道對治力以自持御雖有對治道以自持
御此道羸劣不堅固久住是以命終時捨聖
人身中有無漏對治道以自持御彼以無漏
定力牢固久住是以命終時不捨此中應說
合衆彩喻復有說者不捨問曰若不捨者業
捷度四大捷度何以不捨耶答曰或有說者
彼中應說而不說者當知此義是有餘之說
復有說者彼業捷度中亦說在第三句中說
聖人在胎是也聖人有二種有名數聖人實
義聖人得達分善根者謂名數聖人得正決
定者謂實義聖人是故彼亦說之若人有一
出家之心猶得名爲聖弟子何況得達分善
根者也復有說者或有捨者有不捨者誰不
捨耶於此善根常勤方便故作方便一切時
作方便善受持善修習者不捨與上相違捨

分五

如先所聞若於善根常勤方便乃至善修習
者雖經生死而常不捨如彌多羅達子初生
之時便作是言結有二種乃至廣說如先所
聞若於善根不勤方便乃至不善修習於此
身中雖得速捨如是當知有捨不捨評曰如
實義者凡夫人依彼地生達分善根猶有捨
者何況生於他地問曰達分善根言得報所
謂色界五陰爲作彼身初業不答曰或有說
者不作初業所以者何彼似無漏道憎惡受
生故餘業作初業彼達分善根惟作滿業然
後受報復有說者亦作初業得身報妙好隨
順行道此暖等善根有七十三種其事云何
欲界有十種所謂一具縛凡夫二除一品結
乃至九品盡者初禪有九或有除一品結乃
至九品初禪無具縛人即欲界說故如是乃
至無所有處有九種頂忍卅第一法亦如是
問曰具縛凡夫所得暖法除一品結乃至九
品爲一種耶答曰不也具縛凡夫異除一品

結異乃至九品異問曰若退暖法還生暖法爲本得得不答曰不也所以者何彼不數數得用功而得不前後相似故如捨波羅提木叉戒後更受非本得得彼亦如是如暖頂亦余問曰增長暖時暖增長已還起初者不答曰不也所以者何得勝進善根_{分五}^七前所得者無可欣尚頂忍亦如是問曰爲於何處生此善根耶答曰欲界人中謂三天下非欝單越問曰欲界六天不能生耶答曰不能初生已曾生者能起現在前所以者何若有好身亦有隨順厭患正觀彼處則能生暖此三天下具有此二問曰若有好身則諸天勝人若取隨順厭患正觀則惡道勝答曰如先說俱有者能天與惡道不俱有故是以不能問曰暖法亦依男身亦依女身若依女身得於暖法復得自身中男子所依暖法耶答曰得如是當知頂忍亦余問曰若依男身得於暖法復得自身中女人所依暖法耶答曰不得頂忍亦

如是黃門般吒_{有男形不能男有無形二形女形不能女也}不能生暖等四善方便法慧有三種聞慧思慧修慧答曰或有師略說十八界十二入五陰復有善謡修多羅毗尼阿毗曇生厭惱心彼作是說三藏所說要者惟是十八界十二入五陰彼即觀察界觀察界已復作三種所謂名體性揔相名者謂眼界乃至法界體性者謂別相揔相者謂無常苦空無我如是觀時修習此智轉得定意於此界中生厭惱想復略界觀十二入眼界即是眼入乃至觸界即是觸入七識界即是意入法界即是法入又略入觀陰彼觀十色入及法入中造色即是色陰意入即是識陰法入即是三陰又略陰即是四念處色陰即是身念處受陰即是受念處識陰即是心念處想陰行陰即是法念處又略陰觀諦諸五陰果是苦諦諸五陰因是集諦五陰滅是滅諦學無學法是道諦彼諦復作三種名體性揔相名者謂是苦乃至道體性

者謂別相別相者逼迫行義是苦義乃至出要行義是道義摠相者苦有四行無常苦空無我集有四行因集有緣滅有四行滅止妙離道有四行道如迹乘彼修習此智轉得定意時如見彼諦時彼亦次第觀別欲界苦作異相別色無色界苦乃至別斷欲界行道亦別

分五

八

乃至色無色界行道當於尔時觀諦猶如觀毘外物作如是觀時是名聞慧滿足如是展轉修習次生思慧轉進修習次生修慧能行聖行如是觀時是名暖法如是展轉增長次生頂頂次生忍忍次生出第一法次生苦法忍斷見苦所斷十使次第生苦法智如是次第生道比智得須陀洹果次第乃至生盡智是名諸善根生次第生法善根有三種一福分善根二解脫分善根三達分善根福分善根者謂能作生天種子若在人中生豪貴家有大威勢多饒財寶眷屬成就顏貌端嚴能作轉輪聖王帝釋魔王梵王種子解脫分善

根者謂能作解脫種子決定不退因必至涅槃達分善根者謂暖法乃至出第一法問曰解脫分善根於何處種耶答曰於欲界中非色界欲界中人道非餘道人道中在三天下非欝單越佛出世時非無佛時復有說者若無佛時遇辟支佛亦種解脫分善根體性是何答曰若身業口業意業但意業偏多爲是五識身爲是意地答曰是意地非五識身爲是方便善爲是生得善答曰亦是方便善亦是生得善爲是聞慧爲是思慧爲是修慧答曰是聞慧思慧非修慧爲以何事種此善根答曰或以布施或以持戒或以多聞而不必定所以者何有人以一搏食施能種解脫分善根自有能作長齋般遮于瑟而不能種解脫分善根或有持一日齋能種解脫分善根自有終身持戒而不能種解脫分善根或有誦持一偈能種解脫分善根自有善通三藏文義而不能種解脫分善根是故不定何以

分五

九

故或有種者有不種者若以此事迴向解脫涅槃欲永離生死有如是勇猛心者是則能種若不爲迴向解脫涅槃永離生死雖多布施終身持戒廣學多聞而不能種解脫分善根有近有遠近者前身中種此身成熟來身解脫遠者曾種解脫分善根經那由他世受身而不能生達分善根聲聞所得解脫分善根可迴向趣辟支佛辟支佛所得解脫分善根亦可迴向趣佛佛所種解脫分善根不可迴轉問曰有生滅觀彼以何爲方便耶答曰彼行者見春時草木青色如紺琉璃見河駛流浮沫著岸見已作是思惟此諸外法今已復生若入城邑聚落見諸男女歌舞戲笑而問之言何以故余答言此中生男生女彼復思惟如此內法今已復生彼行者於後秋時見諸草木爲秋日所曝冷風所吹被諸霜露枝葉零落河水枯涸彼復思惟如此外法今已復滅若入城邑聚落見諸男女亂髮舉手

號咷啼哭而問之言何以故余答言此中男女死喪彼復思惟此中內法今已復滅彼行者深見如此相已還所住處自觀己身有少壯老無常之相次第觀於歲月日時晝夜相續是名方便於此諸時展轉除滅乃至觀陰二剎那一生一滅是名生滅觀滿足問曰此生滅觀爲虛想觀爲實觀耶若是虛想觀者此偈云何通如說

若有知見能盡漏 若無知見云何盡

若能觀陰生滅者 是則解脫煩惱心

非以虛想觀能斷煩惱若當非實觀者應見諸行有來去相而諸行實無來去或有作論

分五

者說是虛想觀問曰若余者此偈云何通答曰有轉轉因故是以說彼轉轉相生猶子孫法其事云何虛想觀能生實想觀實想觀能斷煩惱是故說轉轉因如子孫法復有說者是實想觀問曰若然者諸行無來去然彼行者見於來去答曰若生滅觀未滿足時便見

諸行有來去相若其滿足見諸行無來去相猶如小兒弄於獨樂旋速則見如住旋遲則見來去陶家輪喻亦復如是問曰爲以一心見生滅爲二心一見生一見滅耶若以一心見生滅者云何一心而有二慮若有二慮破一心義復云何見爲以見生生時復見滅耶見滅滅時復見生耶若見生生時唯見生者是則爲正若見生生時復見滅者是則爲邪若見滅滅時唯見滅者是則爲正若見滅滅時復見生者是則爲邪若當一心見生一心見滅者則無生滅觀答曰應作是說一心見生一心見滅問曰若然者則無生滅觀答曰此說通一生中相續生滅觀耳非謂一剎那也此二十種身見幾是我見幾是我所見乃至廣說問曰何故作此論答曰世尊經中處處說二十種身見而不廣分別惟尊者舍利弗經中一處分別彼雖分別而不說此二十種身見幾是我見幾是我所見因彼諸經不分

分五

十一

別故今欲分別故作此論復次毗婆闍婆提作是說身見無所緣如身見緣我實義中無我彼何所緣如人見繩謂是地見杌謂是人身爲止彼人如是意故亦欲顯身見有所緣故身見緣五陰但所見事異非無所緣如彼人喻見繩謂是蛇見杌謂是人此亦所見事異非無所緣是故爲止異人意欲顯已義亦欲示決定法相故而作此論問曰此二十種身見幾是我見幾是我所見答曰五種是我見十五種是我所見問曰若我見有五我所見亦應有五何故說十五我所見耶答曰緣行故說五我見具故說十五我所見所以者何此十五我所見以具故生應說一我見所謂五見中我見應說二如我見我所見應說三謂欲界色無色界我見應說六如欲界中有我見我所見色無色界亦爾應說九如欲界地我見乃至非想非非想地我見應說十八如欲界地我見我所見乃至非想非非想地

我見我所見如分別行緣陰應說二十不分別所起處見色是我色異我色屬我我在色中如色四種受想行識亦如是如是五四則有二十以行緣分別十二入則有四十八不分別所起處如見眼入是我眼入異我眼入屬我我在眼入中如眼入有四乃至法入亦有四如是十二四則有四十八以行緣分別界則有七十二不分別所起處如眼界是我眼界異我眼界屬我我在眼界中如眼界有四乃至法界亦有四如是十八四則有七十二若分別緣陰分別所起處則有六十五如說色是我受是我瓔珞受是我僮僕受是我器如受有三想行識亦三如是四三有十二及色有十三如是五種十三則有六十五若分別緣入分別所起處則有四百八眼入是我色入是我瓔珞是我僮僕是我器如眼入有三十四乃至法入亦有三十四十二種三十四則有四百八若分別緣界分別所起處

分五

十一

則有九百三十六眼界是我色界是我瓔珞是我僮僕是我器如眼界有五十二乃至法界有五十二十八種五十二則有九百三十六如是種種身諸刹那相續則有無量我見我所見此處分別行緣陰不分別所起處則有二十問曰以何等故此身見言種答曰此二十種身見各有差別故言種問曰以何等故因陰說二十我見非因界入答曰或有說者彼作經者有如是意如是欲如是可隨彼意作經不違法相復有說者爲現初起初方便入法如因陰說見因界入亦應如是說而不說者當知此義是有餘之說復有說者此陰說見者正佛經所說佛經因陰說二十種我見彼作經者亦依佛經作論說二十種我見問曰置作經者以何等故世尊因陰說二十種我見答曰爲化衆生故佛因陰說二十種我見若受化者應聞界入而得度者世尊亦因界入說於我見以不應聞是故不說復

有說者諸見生時多依於陰少依界入是故世尊因陰說見不因界入色是我者云何爲色諸所有色盡四大四大所造定諸所有有二種有盡諸所有有不盡諸所有言不盡者如求糟糠等少物有亦名諸所有言盡者如求一切物及糟糠等亦諸所有此中唯說盡

分五

十三

諸所有色問曰如我見是自界緣非他界緣彼云何能見一切色是我答曰諸是彼所行是彼境界者計以爲我非一切色也色異我者云何色異我於此四陰展轉計異於我彼作是念此色是我有如人有財名爲有財色屬我者云何色屬我於此四陰展轉計屬我如人有僮僕言僮僕屬我色中我者云何色中我於此四陰展轉計是色中我彼作是念色是我器如油在麻中膩在搏中如蘇在酪中如刀在鞘中蛇在籃中如血在身中問曰如受是我色是具可余色麁受細故如說色是我受是我色是具云何見麁色入細受中尊者波

奢說曰不應責盲人墮坑亦不應問無明者愚復有說者彼見色是我受是具者被人見受麁色細是以見色住於受中尊者和須蜜說曰此四大身中盡能覺觸有所觸處則能生受以受處處生故言色裏在受中尊者佛陀提婆說曰彼見受徧在身中從足至頭無

不有受處然計色是我不徧在身是故彼見色住在受中問曰以何等故我見說二十種其餘諸見不說耶答曰或有說者彼作經者意欲爾乃至廣說復有說者此爲現初起初方便初入法如說身見有二十種戒取應有四十種邪見見取應各有八十種應說而不說者此義是有餘之說復有說者爲對治我見故佛說十種空十種空者所謂內空外空內外空有爲空無爲空第一義空無所行空無始空性空空空此十種空與何法相對與無始空性空空空此十種空與何法相對與我見相對以空與我見相對故有二十種我見餘見不爾是故不說問曰頗於一陰起我

見我所見耶答曰起如於眼入起我見其餘諸色起我所見餘四陰亦如是問曰頗有我見者一時於五陰盡計我不耶若有者朔迦書云何通如說惟有一我見無有五我見無五我見者無計五陰是我者是也所以者何計我見唯計一法五陰是別異法計我見家十五說一我一人無分不壞不變是常若無者薩遮尼乾子經云何通如說瞿曇沙門色是我受想行識是我答曰無有一時計五陰是我者問曰若然者薩遮尼乾子經云何通耶答曰彼自大心重故作如是說復有說者彼不信佛內有知見欲試如來彼為知不故作不順理說次見如來諸論議相領如師子鉤牙鉤利口四十齒出梵音聲彼人聞已心懷怖懼作不順理說復有說者彼人見如來威德勝於梵釋難近難親有如是威德故作不順理說復有說者天神威逼故令彼人作不順理說復有信佛天神作如是念此弊惡人何

以久惱如來故以威逼能令彼人作不順理說復有說者或有一時計五陰為我問曰若然者朔迦書所說云何通答曰彼人於此五陰盡作一具聚相問曰若然者復以何為具答曰若計內入為我則以外入為具若計外入為我則以內入為具問曰為有見微塵計以爲我不若有者是則無我見非是我見若無者朔迦書復云何通如說五大微塵雖各異相我是常若言無常是則無理問曰彼書云何通我見見微塵答曰此書說邊見緣微塵此義已立當知我見緣微塵此義亦立答曰無有見微塵計以爲我問曰若然者朔迦書復云何通答曰此書所說不順正理復有說者有見微塵計以爲我有推理見義無實見生時義評曰不應作是說如前說者好問曰五陰之外爲有起我見者不若有者此經云何通如說若有沙門婆羅門起於我見盡見五受陰若無者說第六我見復云何有

答曰無有五陰之外起於我見問曰若然者

第六我見云何而有答曰思是行陰於思起

我見其餘行陰起於我所見即是第六我見

佛經說身見是六十二見根本餘經復說若有沙門婆羅門所起諸見盡依二邊若斷若常此二經有何差別答曰能生諸見故說身見爲根本守護長養諸見故是說邊見復有說者能生諸見是說身見爲根本使諸見轉行是說邊見

阿毗曇毗婆沙論卷第五

分五

渴伽獸羣牛駛流使史
食般遮于瑟鉢鉢此云五
古音浮沫謂五年一大會齊
瓦上正作辨音所勝下謂大會齊
姚毫下音挑一音暴
家桃上音獨樂下音落
苦帖胡反枯涸下音鶴
頌胡反旋速宣天似
鉢骨音糟糠上音遭膩尼二
反利息音康膩反
反怖憚去其弊惡上毗
家桃上音鞞突厥反
反

阿毗曇毗婆沙論卷第六

分六

雜捷度廿第一法品之六

迦旃延子造北涼闍呼陀跋摩共道奉譯

復有經說若入地一切處定行者作是念地即是我也即是地不離不異餘一切處亦如是問曰諸得一切處定必離第三禪欲彼若

見地是我當知是第四禪地身見見第四禪中地爲我一切處定法緣欲界彼云何不相違耶答曰此中不定說定如非沙門說名沙門復有說者以本名說故如王失位猶名爲

王行者本曾得此定後雖失時猶稱得定復有說者行者於定速疾故失於彼定起欲界身見捨於身見還得彼定如提婆達多於定速疾以神足力自化已身作太子像於阿閻世王抱上迴轉遊戲復現相貌令阿閻世王知是尊者提婆達多當作太子像時阿閻世王抱弄鳴之唾其口中貪利養故即便咽之是以世尊而語之言汝是死屍食唾之人若是